

Dom naroda Parlamentarne skupštine Bosne i Hercegovine, u skladu s članom 141. Poslovnika Doma naroda Parlamentarne skupštine Bosne i Hercegovine ("Službeni glasnik BiH", br. 33/06, 41/06, 91/06, 91/07 i 32/12), na 37. sjednici, održanoj 29. aprila 2014. godine, usvojio je

REZOLUCIJU
O UVAŽAVANJU I PODRŠCI SUVERENITETU I TERITORIJALNOJ
CJELOVITOSTI REPUBLIKE AZERBEJDŽAN

Rukovodeći se ciljevima i principima Ustava UN-a, normama i principima međunarodnog prava, delegati u Domu naroda:

- Potvrđuju uvažavanje i izražavaju podršku suverenitetu i teritorijalnoj cjelovitosti Republike Azerbejdžan priznatoj na međunarodnom nivou,
- Pozivaju na ispunjavanje svih preporuka, rezolucija i deklaracija međunarodnih organizacija, naročito četiri rezolucije Vijeća sigurnosti UN-a (rezolucije broj 822, 853, 874, 884) u vezi s ermensko-azerbejdžanskim nagornokarabaškim konfliktom, a također na hitno, potpuno i bezuslovno izvođenje svih ermenskih vojnih jedinica s okupirane teritorije Republike Azerbejdžan,
- Osuđuju masovno istrebljivanje civilnog stanovništva na nacionalnoj i etničkoj osnovi, a posebno u gradu Hodžali, za vrijeme ermensko-azerbejdžanskog nagornokarabaškog konflikta, kao zločin protiv čovječnosti i prijetnju mirnom zajedničkom životu naroda, duboko saosjećajući sa žrtvama tragičnog konflikta i njihovim žrtvama,
- Pozdravljaju napore Republike Azerbejdžan u obnovi suvereniteta na svojoj cijeloj teritoriji, s ciljem stvaranja osnove za uklanjanje prijetnji regionalnoj i međunarodnoj sigurnosti,
- Podsjećaju na važnost ubrzavanja mirnoga procesa u okviru Minske grupe OSCE-a radi uspostavljanja sigurnog mira i stabilnosti u regionu,
- Podržavaju napore međunarodnih organizacija koje, uz podršku vladinog i nevladinog sektora, doprinose postizanju mirnog rješavanja gore navedenog konflikta i izražavaju

potpunu podršku univerzalnom sistemu vladavine zakona, demokratije, ljudskih prava
i osnovnih sloboda.

Ova rezolucija bit će objavljena u "Službenom glasniku BiH".

Broj: 02-02-2-532/14

29. aprila 2014. godine

Sarajevo

Predsjedavajući
Doma naroda
Parlamentarne skupštine BiH

dr. Dragan Čović